


ORATIO DICENDA SEV INTENTIO
in Deum actualiter dirigenda ante Missam.

PIIS ET DEVOTIS



SACERDOTIBVS.



IPSV, ô dulcissime Jesu, ô Jesu Fili Virginis Mariæ propiti-
tate mihi peccatorum propter nomen sanctissimum tuum. Ego
pro tuo honore, & sanctissimæ Matris tuæ, & S. N. & omnium
Angelorum, & Sanctorum, maxime meorum custodum, & advo-
catorum humiliter tibi servire, fideliter placere, devotè lauda-
re, purissimèque sacrosanctum Missæ mysterium celebrare, &
concrete, seu consecrare corpus, & sanguinem tuum iuxta ritum

sanctæ Romanæ Ecclesiæ, teq; ipsum suscipere desidero, atq; intendo: ea puritate,
intentione, attentione, devotione, fervore, & amore, quo ego teneor, & tu vis,
& omnes Sancti, & Fideles tui vnaquâ celebrarunt, & te susceperunt: in unione
illius perfectissimæ intentionis, & in finem charitatis, qua æterno Patri in accepta-
bile, & ærumentum sacrificium te ipsum pro nobis in Cruce obrulisti, & qua hoc Sa-
cramentum instituisti, & ad me nunc venite dignaris: & sanctissimæ Incarnatio-
nis, Natiuitatis, Viæ, Passionis, & omnium meritorum tuorum, & Purissimæ
Matris tuæ, & omnium Sanctorum: in gratiarum actione pro omnibus beneficijs
tuis, mihi, Ecclesiæ tuæ, & toti mudo vnaquam collatis, & conferendis: in remissionè,
& satisfactionem omnium meorum peccatorum, in remedium omnium necessitatũ
meorum, ad salutem omnium vivorum, & defunctorum, præcipuè eorum pro qui-
bus ego orare soleo, & debeo, & tibi placitum est, vt orem, & qui se commenda-
runt orationibus meis, in genere, & in specie, & qui pro me apud te orant, & om-
nium benefactorum meorum, & qui mihi peculiariter pro hac Missa elemosynas
præbuerunt, necnon eorum pro quibus Prælati mei hoc diuinum Missæ sacrificiũ
me celebrare intendunt, seu statuerunt. Adiuvam me gratia tua, vt hoc faciam secũ-
dum gratissimam voluntatem tuam, quia sine te nihil sum, nihil valeo, nihil possum,
per infinitam misericordiam tuam, in qua ego confido, & semper sperabo. Amen.

L A V S D E O.